

Gaeltacht


8ú Meitheamh, 1973

Iml. 1 Uimhir 9.

Gach mí

LUACH 6p.

Cuairt An Aire Oideachais ar Ghaeltacht Thír Chonail



Cathal Ó Fearraigh a bheas le hoirdneadh mar shagart Dé san Ardeaglais i Leitir Ceanainn Dé Domhnaigh 10ú Meithimh.

Mac é do Chonall Ó Fearraigh O.S., agus a chéile Bríd. Rugadh

é ar an Luinnigh agus fuair sé a chuid oideachais i Scoil Adhamhainn faoi chúram Éamon Ó Gallchoir Príomh Oide. Bhuaidh sé Scoláireacht na Gaeltachta in 1961 agus chaith sé cúig bliana in Ardscoil Mhuire faoi chúram an Athair Aodh Mac Cnámhsí agus an tAthair Dónal Mac Suibhne. Chuaigh sé go Coláiste Mhaigh Nuad sa bhliain 1966 agus fuair céim in Ealaíon sa bhliain 1969. Ins an Choláiste i Mhaigh Nuad, rinne sé obair mhór mar Rúnaí ar an Chumann Gaelach Cuallacht Cholm Cille. Chuir sé ar bun cúrsa Gaeilge, Cúrsa teanga nua litríochta agus béalbidis; dirithe ar fócheimithe ollscoile, ábhar sagairt agus ábhar múinteoirí. Bíonn an cúrsa seo ar siúl i gColáiste Cholm Cille, Gaoth Dobhair gach bliain i Mí Lúnasa agus d' éirigh go hiontach maith leis.

Guíonn "Gaeltacht" gach beannacht agus sonas air ar ócáid a oirdnithe agus gura fada a mhairfidh sé le hoibriú i bfioghort an Tiama.

Ag labhairt dó in Óstán Ghleann Bé Dé Sathairn an 19 Bealtaine, dúirt an tAire Oideachais nach bhfuil aon socrú déanta aige go fóill maidir le córas, iar-bhun oideachas le freastal a dhéanamh ar Phobal Gaoth Dobhair. "Ní fíor," ar seisean, gur gealladh pobal scoil do Gaoth Dobhair mar atá luaite in alt 2 san litir in "Gaeltacht" 18 Bealtaine, 1973.

Tá sé ar intinn ag an Aire míonscrúdú a dhéanamh ar cheist Gaoth Dobhair, dul i gcomhairle le tuismitheoirí agus lucht oideachais agus nuair a bheas gach eolas aige, an socrú is fearr ó thaobh oideachais agus Gaeilge a dhéanamh.

Dúirt an tUasal de Burca go nglacfadh sé seo uilig am agus nach mbeadh sé sásta le brú ó dhream nó aicme ar bith le beart

a dhéanamh sula mbíonn an teolas seo aige.

Bhí an tAire ar chuairt dhá lá sa Chondae agus chaith sé furmhór an ama sin i gceantair Ghaeltachta. D'oscail sé an choláiste úr teicneolaíochta i Leitir Ceanainn Dé hAoine 18 Bealtaine. An oíche sin bhí sé i láthair ag dinnéar Fine Gael i Lóiste na Seamróige, Fál Carrach. Rinne sé turas thart ar dháil-cheantar Oir-Thuaisceart Dhún na nGall Dé Sathairn agus an oíche sin tháinig sé go Gaoth Dobhair an áit ar chas sé leis an Chanónach Mac Eiteagáin, S.P., agus baill de pháirtí Fine Gael a bhí i láthair ag an suipéar in Óstán Ghleann Bé.

Ina dhiaidh sin stop an tAire in Ailt an Chorráin ar a bhealach go Conntae Roscommáin an áit ar labhair sé ag cruinniú poiblí maidin Dé Domhnaigh.

CÓRFHÉILE NA GAELTACHTA



Buachaillí as Scoil Chonail, An Bun Beag.



Páistí as Scoil na Luinnigh.

Ceachtanna Príomháideacha Piano do pháistí

ag toiseacht tús mí Iúil ag
MÁIRE NÍ BHRAONÁIN
DOBHAR

Guthán Bun Beag 27

EAGARALT

Ó bunaíodh "Gaeltacht" tá muid ag fáil achan chuidiú agus achan mholadh ó chairde na Gaeltachta ar fud na hÉireann. Ach ina aineoin sin tá eagla orm nach mairfidh "Gaeltacht" i bhfad eile de thairbhe deacrachtaí airgid.

Tá sé dochreidte go dtabharfadh Roinn Rialtais a bhfuil ainm na Gaeltachta air, diúltú glan cuidiú a thabhairt don chéad nuachtán ariamh atá a scríobh, a chlóbhuail agus a dhéanamh go hiomlán sa Ghaeltacht ag muintir na Gaeltachta, agus atá ag tabhairt fostaíocht do mhuintir na Gaeltachta ina gceantar féin.

Ta feidhm le Roinn Rialtais fíorghaeltachta a bheadh suite, chan i mBaile Átha Cliath ach sa Ghaeltacht. Roinn a bheadh a reachtail, chan ag statsheirbhisi gall-dachta nach bhfuil baidh na ciall na tuigbheail acu don Ghaeltacht is cosuil, ach ag muintir na Gaeltachta iad féin. Cen uair a chuirfear Roinn Rialtais Gaelach ar fail don Ghaeltacht?

Beidh "Gaeltacht" ina phaipear míosuil feasta. Muna bhfaigheann muid cuidiú on rialtas gan mhoill, caithfear deireadh a chur leis.

Séasúr na gCúairteoirí

Tá an Samhradh buailte linn arís agus ar ndóighe tá seasúr na gcúairteoirí san mhullach orainn.

Caidé an seort seasúir a bheas ann? Sin ceist atá go leor daoine a chur na laethe seo, ach go háirithe na mná toighe a bhíonn ag coinneall na lóisteoirí. Ba mhaith leo go mbeadh seasúr maith ann ó thaobh aimsire de ach sílim gur an rud is mó atá ag déanamh buartha dóibh i mbliana ná an féidir prafaid a dhéanamh as lóisteoirí a chofneall, lóistín iomlán go háirithe. Sea, beidh sé deacair prafaid a dhéanamh i mbliana nó chuaigh na luachanna suas an oiread sin le goirid.

Na mná toighe a bhíonn ag coinneall scóláirí Gaeilge beidh siad san ceart go leor de bharr go bhfuil an deontas sin ardaithe anois ach na daoine atá cláraithe le Bord Fáilte agus a b' éigin dóibh a gcuid praghasanna do'n tSamhradh a shocrú i Meán Fomhair seo a chuaigh thart, cinnte níor thuig siadsan, san am sin go mbeadh luachanna suas an oiread sin anois. Chomh fada agus is eol domh ní cheadaíonn Bord Fáilte an luach

a athrach uair amháin a chuirtear na leabhráin s'acu amach i Mí Eanáir.

Ó tharla go bhfuil muid istigh san Chomhfhargadh anois, thig linn a bheith ag dréim leis na luachanna dhul suas, agus a dhul suas cuid mhaith ag sin feasta. Le cupla bliain anuas bhí meath ar an líon cúairteoirí achan áit san tír de bharr na trioblóide sna Sé Chonndae nó b' fhéidir fosta de bhí go raibh na luachanna ag éirí ró-ard ar lóistíní, ach ní tháinig meath ar bith ar an líon cúairteoirí a thig go Gaeltacht Thír Chonaill achan bhliain, agus tá súil againn gur mar sin a bheas sé i gcónaí.

Is trua nách bhfuil oifig fáilte ar bith anseo san Ghaeltacht againn. Bhí caint uair amháin ansin go raibh Comhairle Paróiste Ghaoth Dobhair le rud éigin a dhéanamh fá seo ach tá na cúairteoirí bochta 'a gcur ó dhoras go doras díreach mar bhí ariamh ag cuartú lóistíní, tithe agus rí. Tá cosúlacht air nach bhfuil an Comhairle Paróiste féin ann anois ach oiread, má tá, níl gíog nó míog astu.

Comac O Breaslain T.D., ag labhairt ag fhoscailt oifigiúil Feile Iascaireachta Ghaoth Dobhair.



Iris Gaeltacht Chonamara

Cuireann muid fáilte roimh an uimhir is deireanaí de Thuairisc. Iris spéisiúil, slachtmhar í. San uimhir seo tá alt ó Dheasún Fennell ar fheinrialú don Ghaeltacht, "Saoirse na mBan" ó Sheosamh Ó Cuaig, cur síos ar chúrsaí drámáíochta ó Mháirtín Davy, alt ó Chaitlín Maude i mBaile Átha Cliath ar fhadhanna tithíochta sa chathair sin, agus a lán eile. Ach ba é an ráiteas ar an gcéad leathanach an rud ba mhó inar chuir muid spéis, ag tagairt do cheapuchán Bhord na Ghaeltarra deir Tuairisc.

"Ní shasoidh rud ar bith an pobal seo feasta ach smacht iomlán ar a gcúrsaí féin. Is cuma cé na leasuithe ná na gimicí a tharraingeos an rialtas seo - na rialtas ar bith eile - chucu, leanfar leis an troid go bhfaighidh muide, pobal na Gaeltachta, an ceart atá ag dul dúinn; cead ar gcúrsaí a rith ar an mbealach is mian linn féin.

Tá muid tinn, tuirseach de dhaoine a bheith dar "slánú."

Caithfidh féinrialú na Gaeltachta a bheith bunaithe ar vóta an leathpharóiste. Caithfidh an chumhacht a bheith ina chumhacht dairire; smacht iomlán ar phleanáil agus forbairt; saorchead le maoin

an phobail a fhorbairt ar son leas an phobail.



SCADÁN FRIOCHTA AGUS ANLANN MUSTAIRD

Comhgaisí

2 Scadán
Ionmhar te (dripping)
Plúr blasaithe
Sliseanna Liomóide mar deasú

ANLANN MUSTAIRD

1 unsa Plúir
1 unsa Margarín
½ phunta Bainne
Piobar, Salainn
1½ sp. bheag Mustaird déanta

AN MODH

1. Cuir an t-ionmhar ar an bfriochtán agus teigh é.
2. Scoilt an taobh iochtair de na scadáin agus bain amach an cnamh droma.
3. Cuir scór scine trasna ortha i dtí nó ceathair áiteacha.
4. Clúdaigh leis an bplúr blasaithe iad.
5. Déan iad a friochtadh san ionmhar te 10-15 nóim. Iompaigh iad cupla uair. Sil go maith iad.

AN tANLANN

Leá an margarín, cur isteach an plúr agus measc 2 nóim. Tóg ón teas é agus cuir isteach an bainne go mall. Cuir aráis ar an tine agus measc go dteigh sé a ghail. Fág ar thaobh na tine é 5 nóim. Cuir leis an mustaird, piobar agus salainn.

Greene's Garage

Cortina 1968	V.W. 1967	Morris 1100 Van 1965
Renault 4L 1971	Mini 1969	Anglia 1966
Renault 4L 1972	Anglia 1964	Morris 30cwt. Van

A.A. agus
R.I.A.C.

An Clochán Liath

Guthan
14.



AnCO

An Chomhairle Oiliúna

Oiliúint agus Athoiliúint do dhaoine fásta

Cuirtear na cúrsaí seo leanas ar fáil ag Ionad Oiliúna Anco, Ghaoth Dobhair, Maireann iomlán an chúrsa 20 seachtain.

1. Cúrsa Insealbhú Tionsclach
2. Cúrsa Faibhrithe Scileanna Bunúsach
3. Cúrsaí Tathaí
4. Cúrsa Aire Tionsclach
5. Cúrsa Oibriú Inneall
6. Cúrsa Ginearálta do Oibríthe Tógála

Oibreann an tIonad 40 uair sa tseachtain i dtimpeallacht cosúil le monarchan. Tá an traenáil eagraithe de réir clár fhorleathain.

Íoctar liúntas seachtainiúil agus taistil leis na foghlaim-eoirí. Tá deontas lóistín á íoc fosta do fhoghlaim-eoirí atá ar shiúl ón bhaile.

Foirm iarratais agus gach eolas faoi liúntais traenála ó
An Bainisteoir,
AnCo - Ionad Oiliúna Tionsclaíoch,
Na Doirí Beaga,
Leitir Ceanainn,
Co. Dhún na nGall.

Na Dúnaibh

Ag foscailt an Fhéile Muir-
lascaireachta sna Dúnaibh Dé
hAoine, dúirt Aire na Gaeltachta,
an tUasal Ó Domhnaill, go raibh
Reigiúin Iar-Thuidh na hÉireann
ina aonad nádurtha i gcóir for-
artha. Dúirt sé go raibh suim ar
leith aige féin mar Aire na
Gaeltachta i dtodhchaí an reigiúin
cionn is go bhfuil cuid de ina
Gaeltacht.

Dúirt an tAire:

"Tuigtear dom gur Féile bhlian-
tuil í seo agus go bhfuil sí ag dul
i bhfeabhas i gcónaí agus is breá
an rud é sin. Tá taitneamh agus
spórt le baint as an bhFéile seo,
ní amháin ag na hiascairí féin
ach ag muintir uile an cheantair
agus ag na cuairteoirí a thagann
chugaibh an tráth seo den bhliain.
Ina theannta sin, tá daoine sa dúl-
che seo a bhfuil an Ghaeilge a
labhairt go liofa agus go blasta
acu, rud is ábhar maite dóibh féin
agus is ábhar spéise do na cuairt-
eoirí a thagsann anseo."

Beidh cúrsa Fraincise in Ard-
Scoil Mhuire, Gaoth Dobhair ón
11ú go dtí 14ú Meitheamh.

Cúrsa comhrá a bheas ann
agus triúr mhúinteoir ón Fhrainc
a bhéas ag teagasc. Tá an cúrsa
foscailte do achan duine a bhfuil
suim acu ann, go háirithe micléinn
sna ranganna sinsearachta bunscóile,
Ceardscoile agus Meanscoile.
Tuilleadh eolais on Athair Dónal
Mac Suibhne, Ard-Scoil Mhuire,
Gaoth Dobhair.

Comhghairdeas le Dónall Ó
Gallchóir, B.A., atá ceaptha mar
ardmhaistir ar an Ard-Scoil, An
Clochán Liath. Tá sé ag múint-
eoireacht san Ard-Scoil cheanna
ó bhain sé a chéim amach agus is
ann a fuair sé a chuid iarbhunoid-
eachais.

Tá sé ina stiúrthóir ar Fhéile
Mháire an Chlochán Leith chomh
maith.


De réir figiúirí na nGárdaí,
marbhaíodh seisear agus gortaí-
odh 158 duine ar bhóithre na
hÉireann idir meanoíche Dé hAoine
agus meanoíche Luain Cincíse.

Sa treimhse ceanna anuraidh
marbhaíodh 11 duine agus gortaí-
odh 169.

Chuir Séamus de Faoite T.D.,
i niúl do thuismitheoirí Sráth
Caonach, Gaoth Dobhair go bhfuil
an tAire Oideachais ag déanamh
breithniú práineach ar iarrataisí
na dtuismitheoirí le córas iompair
a chur ar fáil saor in aisce do
pháistí Sráth Caonach atá ar Scoil
na nDoirí Beaga.

Tá triúr fear a cheistiú ag na
gárdaí fán teiní ag Beiric na nGár-
daí ar an Chlochán go luath maidin
Dé Domhnaigh. Scríosadh an foirg-
neamh agus cailleadh cairpéisí
san doiteán.

Searsaint agus gárda amháin
atá sa cheantair. Meastar go
gcosnóchaidh beiric úr tuairimís
ar £10,000.



Sean Teach Phobail na Doirí Beaga i 1880

Cé gheall an Scoil ?

Le linn dó agallamh a thabhairt
ar Radió na Gaeltachta Dé Sathairn
an 26 Bealtaine, chuir an tAire
Oideachais an cheist; "Cé gheall
Scoil Phobail do Ghaoth Dobhair?"

Seacht mbliain ó shoin a géal-
lath oideachas coimsitheach don
chuid seo den Ghaeltacht agus ba
é Donncha Ó Máille, Aire Oideach-
ais beannacht Dé lena anam a thug
an ghealltanas. Ag an am sin rinn-
eadh iarracht an Cheard-Scoil ins
na Doirí Beaga agus an Ard-Scoil
i Machaire Chlochair a dhruid.
Ní raibh na tuismitheoirí ná an
pobal i gcoitinne sásta tabhairt
isteach agus níor druideadh na
scoltacha. Thuig an tAire Ó
Máille go raibh cás láidir ag
Pobal na Gaeltachta. Níor shéan
an Roinn Oideachais riamh geall-
tanas Uí Mháille. Scoil sinnsearach
lán-Ghaelach a bhí le bunú. Ar an
31 Bealtaine, 1972 bhí ardoifigeach
de chuid na Roinne ag cruinniú
i nGaoth Dobhair. Dheimhnigh sé
arís go raibh rún daingean ag an
Roinn Scoil Phobail lán Ghaelach
sinnsearach a bhunú i bhfus. Dhá
Scoil Phobail a bhí i gceist do
Thír Chonaill; Carndomnach agus
Gaoth Dobhair.

Bhí saineolaithe ag teacht,
dúirt sé, i gceann seachtaine nó
mar sin chun suíomh a phiocadh
amach. Dúirt sé go raibh Coiste
Gairmoids Dhún na nGall ag cur
muille ar an obair ach nach gcuir-
feadh an Roinn suas leis sin.
Dúirt sé go mbeadh Coiste
Bainistíochta a bhunú go luath.
D' imigh na daoine ón chruinniú
go breá sásta. Sin bliain ó shin.

Ní raibh Pobal Ghaoth Dobhair
ariamh ag iarraidh cur isteach ar
aon cheanntar eile agus níl anois.
Shíl siad nach raibh sé ceart ná
cóir go ndruidfí an dá scoil a bhí
acu agus go scaipáí a gcuid páistí
soir agus siar. Ba mhaith leo an
dá scoil a bheith curtha le chéile
in aon scoil láidir Ghaeltachta
amháin. Scoil sinnsearach leis
na haiseanna iomlán. Is eileamh
réasúnta é sin, dar linn.

CAILLTEAR TUAIRISC AR NA MILTE DUINE SAN IAREORAIP GACH BLIAIN


Daoine ag imeacht gan tuairisc
agus na fadhbanna teaghlaigh agus
síceolaíochta a leanann iad. Tá
seo coiteanta sa chuid is mó de na
tiortha, go háirithe in Iarthar na
hEorpa.

Chun cásanna mar seo a
fhoisrú tá doigheanna ag na Póilíní
agus ag Interpol nach féidir a
úsáid i gcásanna de chinealacha
eile.

Féadann eagraíochtaí deontacha
mar shampla Arm an tSlánaithe no
Seirbhís Shóisialta Idirnáisiunta na
Geineive an-chúnamh a thabhairt do
Theaghlaigh, mar a thugann sain-

ghníomhaíochtaí áirithe i roinnt
tiortha ar nós "Service des recher-
ches dans l' interet des familles"
sa Fhrainc.

Is féidir a fheiceáil go bhfuil
a lán-cinealacha cuidithe le fáil
ag teaghlaigh cheana. Ach tá mórán
le déanamh fós ag aimsiú daoine
atá ar iarraidh agus ag deileáil leis
na fadhbanna síceolaíochta agus
sóisialta sin go léir. Is fíor an méid
sin go háirithe nuair is éigin an
fiosrú a dhéanamh agus iarrachtaí
chun teaghlaigh a athaontú ar leibh-
éal idirnáisiunta.



SEÁN AGUS AN GAS PONAIRE

TURAS AR BHAILE ATHA CLIATH

Ar an tseachtain a chuaigh thart, bhí mise agus mo chairde i mBaile Átha Cliath le dráma. Sé n tainm a bhí air nó "Aille agus an Bhrúid." Sí Scoil Chonail an taon scoil amháin as an pharóiste a bhí ag an Fhéile Náisiúnta i mBaile Átha Cliath.

D'fhág muid an baile maidin Dé Máirt an 8ú lá de Bhealtaine ar an haon déag a chlog. Bhí turas breá againn. Shroich muid Baile Átha Cliath ar an cúig a chlog. Bhí muid ag pictiúr an oíche sin agus bhí sé iontach maith.

Bhí an dráma againn maidin lá arna mhárach ar a deich a chlog. Ar a dó dhéag a chlog fuair muid dinnéar deas.

Ansin chuaigh muid ag siopadóireacht. Chuaigh muid go dtí Ard Oifig an Phoist. Chonaic muid dealbh de Chú Chualainn. Fuair muid tae ansin agus tháinig muid abhaile.

Ach lá arna mhárach, fuair muid amach nár bhain muid an chéad duais. Dé Satharn tháinig fear go dtí an doras agus d'inis sé dúinn gur bhain muid Corn don dráma a b'fhearr as an Ghaeltacht. Bhí lúcháir mhór orainn.

Pádraigín Ní Ghallchóir,
Scoil Chonail,
An Bunbeag.

Aois 12

Gárda (le fear ólta a bhí ag iarraidh eochair a chuir isteach i lampa sráide) - O! ní dóigh liom go bhfuil aon duine sa bhaile anocht. Fear ólta - Caithfidh go bhfuil. Tá solas lasta thuas staighre.

Bhí bean agus a mac na gcónaí in Éirinn fadó. Fuair a athair bás nuair nach raibh Seán ach an-óg. Bhí siad an-bhocht agus sa deireadh ní raibh aon rud lena dhíol acu ach bó amháin.

Lá aonaigh amháin d'éirigh an bhean go luath agus dúirt sí lena mac go gcaithfeadh sí an t-aon bhó amháin a dhíol mar nach raibh aon rud fágthá acu. D'imigh Seán go luath agus an bhó leis. Ar a bhealach go dtí an t-aonach casadh fear an-chliste ar an bhuachaill óg. D'fhiafraigh an fear dó Sheán an raibh an bhó le díol aige. Dúirt Seán go raibh. D'fhiafraigh an fear do Sheán cé n luach a bhí uaidh den bhó. Dúirt Seán go nglacadh sé aon rud ar bith ar an bhó. Tharraing an fear an mála mór seo as a phóca agus d'fhiafraigh sé do Sheán an nglacadh sé iad seo. Dúirt Seán go nglacadh.

Thug an fear an mála do Sheán agus thug Seán an bhó don bhfear. D'imigh Seán abhaile agus bhí sé an-sásta leis féin mar shíl sé go raibh margadh an-mhaith déanta aige. Nuair a chonaic a mháthair é ag teacht rith sí go dtí an doras roimhe agus d'fhiafraigh sí cad a fuair sé ar an bhó. Chuaigh Seán isteach sa teach agus tharraing sé an mála as a phóca agus thug sé dá mháthair é. D'oscail a mháthair é agus nuair a chonaic sí cad a bhí sa mhála, thiontaigh sí go dtí Seán agus dúirt sí; Ó a Sheán cé n fáth ar dhiol tú an bhó mhaith sin ar mhála pónaire.

D'oscail sí an fhuinneóg cúl agus chaith sí na pónaire uilig amach. Ina dhiaidh sin bhí ag Seán agus a mháthair oibriú go dian le iad fhéin a choinneal beo. Bhí na blianta ag dul thart agus bhí ceann mór pónaire ag fáis le taobh an tí.

Lá amháin dúirt Seán lena mháthair go raibh sé ag dul suas an crann. D'imigh sé suas an crann agus nuair a shroich sé a bharr chonaic sé bóthar an-fhada amach roimhe ach ní raibh aon teach le feiceal ar an bhóthar ar chor ar bith. Rinne sé suas a intinn go siúlfaidh sé leis go dtí go bhfeiceadh sé cad a bhí ar an bhóthar. Shiúl sé leis an bóthar agus i ndiaidh tamall tháinig sé go dtí an teach seo. Bhí an doras druidte ach bhuaill an gasúr óg ar an doras agus tháinig an bhean mhor seo amach agus d'fhiafraigh an buachaill di an dtiocfadh leis dul isteach mar bhí sé fliúch go craiceann agus dúirt sé nár ith se aon bhéile an lá inniu.

Dúirt an bhean leis, "Is é an fathach atá na gcónaí sa teach seo." Ach, arsa sí ligfidh mé isteach thú. Lig sí don bhuachaill theacht isteach agus thug sí béile maith le h-ithé dó. Nuair a bhí sé in am don fathach theacht abhaile chuir sí an buachaill isteach i gcofra mór agus lig sí síos an clár ar an chófra. Leis sin mhothaigh Seán an teach ar crith. Leis sin d'oscail an doras agus tháinig an fathach isteach. Dúirt sé i nguth ard "fághaim boladh buachaill óig." ar seisean agus má fhaighaim greim air ithfidh mé gan salann é. "Shush" arsa an bhean agus na bi amaideach sui síos agus ghlac do dhinnéar. Shuí sé síos agus dith sé béile maith agus dith se gan salann é. Nuair a bhí an dinnéar ithe aige dúirt sé i nguth ard, "Tabhair chugam mo chearc"

Rith an bhean agus fuair sí an chearc agus thug sí don fathach é. Dúirt an fathach na focla. Breith cearc, breith cearc agus gach am a ndeireadh sé na focail sin bheireadh an chearc uibh ór. Taréis tamall chuala an buachaill an fathach ag sranfaí. Léim sé as an chófra agus thug sé an chearc leis ina lámhe agus thosaigh sé ag rith agus níor stop sé go dtí gur shroich sé an crann pónaire agus chuaigh sé isteach sa teach agus d'fhág sé an chearc na sui ar an tábla agus dúirt sé na focail "Breith cearc breith; agus leis sin bhreith an chearc uibh ór. Bhí a mháthair an-sásta leis."

An lá ina dhiaidh sin chuaigh an buachaill suas an crann agus mar an lá roimhe sin thosaigh an tairneach, thosaigh Seán ag rith go dtí gur shroich sé an teach seo. Bhí an doras druidte ach bhuaill an gasúr ar an doras agus tháinig an bhean mhor seo amach agus d'fhiafraigh sé di an dtiocfadh leis dul isteach mar bhí se fliúch go craiceann agus dúirt sé nár ith se aon bhéile an lá sin.

Oh, arsa an bhean lig mé do bhuachaill theacht isteach inné agus ghoid sé mo chearc uaim. Oh, ní dheanfainn-sa rud mar sin arsa Seán. Dúirt an bhean leis, "Is é seo teach an fáthaig." Ach ar sise ligfidh mé isteach thú. Lig sí don bhuachaill theacht isteach agus thug sí béile maith le hithe dó. Nuair a bhí sé in am don fháthach theacht abhaile chuir sí an buachaill isteach i gcofra Leis sin mhothaigh Seán an teach

ar crith. Leis sin d'oscail an doras agus tháinig an fathach isteach. Dúirt sé i nguth ard, "fághaim boladh buachaill óig," arsa seisean agus má fhaighaim greim air ithfidh mé gan salann é. "Shush" arsa an bhean agus na bi amaideach sui síos agus ghlac do dhinnéar. Shuí sé síos agus dith sé béile maith agus dith se gan salann é. Nuair a bhí an dinnéar ithe aige dúirt sé i nguth ard, Tabhair chugam mo chuid airgid. Rith an bhean agus fuair sí an tairgead don fháthach. Thosaigh sé dá chuntas ach roimhe bhfad chuala an buachaill an fathach ag sranfaí; Léim sé as an chófra agus chuir sé an tairgead ina mhála agus thosaigh sé ag rith go dtí gur shroich sé an crann pónaire agus chuaigh sé isteach sa teach agus d'fhág sé an mála airgead ar an tábla. Nuair a d'amharc an mháthair ar an mhála airgead léim sí agus dúirt; Is le d'athair an mála airgead sin. Ghoid an fáthach uaidh é agus ansin chuir sé do athair chun báis. Bhí an mháthair an-shásta leis.

An lá ina dhiaidh sin chuaigh an buachaill suas an crann agus mar an lá roimhe sin thosaigh an tairneach, thosaigh Seán ag rith go dtí gur shroich sé an teach seo. Bhí an doras druidte ach bhuaill sé ar an doras agus tháinig an bhean mhor seo amach agus d'fhiafraigh sé di an dtiocfadh leis dul isteach mar bhí sé fliúch go craiceann agus dúirt sé nár ith se aon bhéile an lá sin.

Oh, arsa an bhean lig mé do bhuachaill theacht isteach inné agus ghoid sé mo chuid airgead. Oh, ní dheanfainn-sa aon rud mar sin arsa Seán. Dúirt an bhean leis, "Is é seo teach an fathach."

Ach ligfidh mé isteach thú. Lig sí don bhuachaill theacht isteach agus thug sí béile maith dó. Nuair a bhí sé in am don fháthach theacht abhaile chuir sí an buachaill isteach sa chófra agus lig sí síos an clár ar an chófra. Leis sin mhothaigh Seán an teach ar crith. Leis sin d'oscail an doras agus tháinig an fathach isteach. Dúirt sé i nguth ard, "fághaim boladh buachaill óig." "Shush" arsa an bhean agus na bi amaideach, sui síos agus ith do dhinnéar. Shuí sé síos agus d'ith sé béile maith agus dith se gan salann é. Nuair a bhí an dinnéar ithe aige dúirt sé i nguth ard, "Tabhair chugam mo chláirseach." Rith an bhean agus thug sí an cláirseach chuige. Thosaigh an cláirseach ag seinm agus ní raibh sé i bhfad go mhothaigh an buachaill óg an fathach ag sranfaí. Léim sé as an chófra agus thóg sé an cláirseach agus thoisigh. Ach mhuscail an cláirseach an fathach agus thug sé leis cléibh agus thoisigh an fathach ag rith ina dhiaidh. Chuaigh Seán síos an gas pónaire agus dúirt sé lena mháthair go raibh an fathach ag teacht ina dhiaidh. Ghlac Seán an tua agus nuair a chonaic sé an fathach ag teacht chaith sé an tua leis agus thit sé marbh ar an talamh. Rith Seán suas agus ghearr sé an ceann den fhathach.

Bhí go leor airgead acu an chuid eile da saol agus mhar siad go sona sásta.

Anna Ní Ludhog,
Scoil Chuimsithe,
Na Gleanntaí.

Éin na hÉireann



AN SNAG BREAC

Pica Pica

Magpie

Tá daoine ann agus is beag a ndúil sa snag Breac. Go hard ar liosta na ndaoine sin tá an coimeadaí géim. Goideann an Snag Breac uibheacha ó éin eile. Ina measc bíonn na heanlaith géim. Míoltogaí agus peisteanna a itheann sé de ghnath. Teann an Snag Breac thart ina bpéirí cé go gcruinníonn siad le chéile ag tús an Earraigh agus bíonn suas le céad le feiceal le chéile ag an am sin den bhliain.

Ball de theaghlach an phréacháin is é an Snag Breac agus cosúil le na préacháin eile atá luaite

againn anseo le cupla mí anuas cruinníonn siad rudaí atá goidte acu.

I mBaile Átha Cliath bíonn an Snag Breac le feiceáil i lár an Bhaile agus cé nár tharla sin go fóill i gcathracha eile is dóigh nach mbeidh sé i bhfad anois go dtarlóigh.

Dubh agus bán a bhíonn an téan acu. Dath álainn gorm le feiceáil ar a dhroim. Is dóigh gur chuala gach duine iomrá ar an phisreógacht a bhaineann leis an Snag Breac.

Do'n Aos Óg . . .



Dia dhíbh a pháistí.

Tá súil agam go mbainfidh sibh sult as an scéal breá fada a fuair mé ó Anna Ní Ludhog as Na Gleanntaí. Tá duais speisialta le fáil aici ar a shon, agus tá duais speisialta ag dul fosta chuig Pádraigín Ní Ghallchóir, Scoil Chonaill, An Bun Beag.

Slán go fóill, ó bhur gcara . . .

Andaí.



Gearóid, Máire agus Séamus O Gallchóir. Tá Gearóid agus Séamus ar scoil na Doirí Beaga; agus tá Máire ar scoil Chonaill, An Bun Beag.



Gráinne Iníon Bhrian agus Máire Ní Fhearraigh as Cois Cládaigh. Tá sí ar Scoil an Bhun Bhig, tá sí sé bliana agus tá sí ag déanamh an Chéad Chomaoineach gan mhoill.


SCÉALTA GRINN



Coimeádaí Páirce; Níl cead agat bheith ag snámh sa linn lachán. Fear; Níl mé ag snámh, tá mé ag báitheadh. Coimeádaí Páirce; O! tá sin maith go leor!

Bhí fear ólta ag siúl na bhaile chuig a bhean chéile oíche amháin. Stop gárda é. "Cá bhfuil tú ag dul ag an am seo den oíche?" a dúirt an gárda. "Chuig, . . . chuig léacht" a dúirt an fear.

Chuaigh fear isteach san úllghort lá amháin agus chonaic sé gasúr beag thuas i gcrann úll. "Caidé tá tú a dhéanamh thuas ansin?" a dúirt an fear. "O! thit ceann de na húllaí ón chrann agus tá mise a chur ar áis."



Teach phobail na Spáineach Cill Charthaigh.

AN GHLEANN INA RAIBH ME I MO

CHONAL

Gleann an Bhaile Dhuibh an tainm atá air. Áit iontach deas é. Tigeann a lán cuairteoirí go dtí é gach bliain, as Meiriceá, as Albain, as Sasain agus tíorthaí eile. Tá tuairim 62 tithe ann. Tá abhann ag rith fríd an Ghleanna agus bóthair ar an dá thaobh. Tá áit bheag ann. Gleann Bholcán an tainm atá air. Thig leat leaba Diarmad agus Gráinne a fheiceál. Thíos ag bun an Ghleanna tá sean teach phobail na Spáineach. Tá scéal mór fan dóigh a tógadh an teach phobail seo. Déantar mórán feirmeoireacht ins an Ghleann. Ins an Fhomhair nuair a bhíonn an fear uilig i gcócaí móra cuireadh sé aoibhneas ar do chroí seasamh shuas ag barr an Ghleanna agus amharc síos tríd. Rugadh mé sa Ghleann ach níl mé i mo chónaí ann anois.

Áine Ní Chuinnigeáin,
An Droim Ribhach,
Cill Charthaigh,
Tír Chonaill.

Chuaigh fear as Alban go Londain lá amháin. Nuair a tháinig sé ar ais chuir a chara ceist air caidé mar a thaitin sé leis; "O! Bhí sé maith go leor" a dúirt sé, "Ach tá na daoine iontach corr. I lár na hoíche thosaigh duine éigin ag bualadh ar mo dhoras. Rinn mé neamhiontas do ach choinnigh sé ag gabhail. Ansin thosaigh sé ag ciceáil an dorais agus ag scairtigh seanard a chinn." "Agus ar fhoscail tú an doras?" "Níor fhoscail, maise, lean mé ar aghaidh ag seinm ar mo mhálaí piobaí."

Bean a tí (le fear a bhí ag obair sa teach)
"An ólfeá deoch bhainne?"
"Ní ólfaidh, go raibh maith agat."
"Ar mhaith leat oráiste?"
"Níor mhaith, go raibh maith agat."
"Bhal caidé fá leith cheann?"
"O! ba mhaith!" arsa an fear agus lúchair air.
"Fan bomaite" arsa sise go bhfuighfidh mé scian."



Róisín Iníon Sheosamh agus Bean Uí Bhlighie as Baile Átha Feith. Tá Róisín trí bliana d'aois.

Lá amháin chuaigh muid go dtí an Clochán Liath. Cheannaigh mo mháthair grainnín torthaí do dhuine a bhí san otharlann. Cheannaigh mo athair tuirnípí fá choinne an dinnéar.

Chuaigh mo mháthair isteach san otharlann nuair a bhí muid ag teacht abhaile. Thug sí na torthaí do' n duine a bhí san otharlann. Nuair a bhí muid ar an bhealach na bhaile chuir muid ceist ar mo mháthair an raibh cead againn ulláí a fháil. Dúirt sí go raibh da mbeadh ceann ar bith ansin. Dúirt muidinne go raibh. D' amharc sí thart agus chonaic sí nach raibh na tuirnípí ann. Thug sí na tuirnípí don duine tinn.

Seán Mac Giolla Chomhaill,
Scoil Chonaill.

Aois 10

Mí na Samhna a bhí ann. Bhí an sagart ag dul thart ar na sean-daoine go léir. Tháinig sé fhad le teach, agus bhí sean fhear ina chónaí ann. Ní raibh an fear seo ariamh ag an Aifreann. Theagasc an sagart paidir bheag dó agus sé an phaidir nó, "A uain Dé cuidigh liom." Dúirt sé leis go mbeadh sé thart bliain ina dhi aidh sin agus go gcaithfeadh sé an phaidir a rá dó. Chuaigh bliain thart. Tháinig an sagart thart arís agus d' iarr sé ar an tseanfhear an phaidir a rá dó. Dúirt an fear na focail seo; "A chaora Dé cuidigh liom." Dúirt an sagart, "Ní sin an rud a theagasc mise duit." Dúirt an fear, "Is é sin an rud a theagasc tú domh, mar an rud a bhí ina uan anuraidh, tá sé ina chaora i mbliana."

Pádraigín Ní Ghallchóir,
Scoil Chonaill,
An Bunbeag.
Aois 12

NA TRIOBLOIDÍ SA TUASCAIRT

Cloisim gunna ag scaoileadh,
An seo Béal Feirste nó Baile Átha Cliath,
Ar an duine marbh,
Tá gruaig liath.

Feicim saighdiúir le gunna ar garda,
Seo í an oíche,
An mbeidh Éire saor go deo,
Nó choiche?

Barra Mac Aodha Bhúí,
Scoil Chonaill,
An Bunbeag.

Gaoth Dobhair

Gni Pobal Ghaoth Dobhair comhghairdeas leis an Athair Eoghan Ó Colm, atá ina Shagart Paróiste i nAnagaire.

Tá a Uncal Peadar Ó Gallchóir agus mórán gaoltaí eile ina gcónaí ar an tSlaochán, agus sa chomarsanacht.

Chaith an tAthair Ó Colm seal bliantach i nOir Dheisceart Shasana. Ansin tháinig sé go Oileán Thoraigh, áit ar scríobh sé "Toraigh na dTonn."

Ábhar bróin a b' ea bás Bhriain Ó Curraín, as Port Uí Churraín. Comhraiteach breá agus Gaeilgeoir fíor mhaith a bhí ann. Cuireadh é i Reilig Cnoc Fola Dé Sathairn. An tAthair Eoghan Ó Fríil a leigh Aifreann na Marbh agus a d'fhreas-tal ag an uaigh. Gnimid comhbhrón lena ghaolta uilig.

Chaith Pádraig Ó hEarcáin as Carraic a tSeascáin saoire sa bhaile le gairid. Tá sé ag obair i mBaile Átha Cliath. Tá cónaí ar a mhuintir thall i nAlbain.

Cuireadh Máire Nic Pháidín as Machaire Chlochair coicís ó shin. Aois 80 bliain; b' as Gleann Tornáin ó dhuchas í agus is i Reilig Dhún Lúiche a hadhlacadh í. Chaith sí blianta fada ag obair i gContae Thír Eoghain, agus ansin tháinig sí go Machaire Chlochair. Bhí aithne mhaith uirthi agus meas mór sa cheanntar. Bhí sí tráthúil ag Aifreann Domhnaigh, agus ar ocaidí eile.

Gnimid comhbhrón le na gaolta i nDun Lúiche agus le Bean Uí Dhuibhir agus Bean Mhic Giolla Easbuic i gCois Cláidigh.

Tá Nóirín Ní Bhaoill sa bhaile ar cuairt i nDoirí Beaga fá láthair. Tá Nóirín ag obair sa Stát Sherbhís i Londain le cupla bliain. Inion í do Bhrian Ó Baoill nach maireann agus do Bhríd Bean Uí Bhaoill.

Teaghlach an-ghaelach iad clann Uí Bhaoill. Cén tiontas, mar tá seanachai suailceach chois tine acu, a máthair mhór, Nóra Bean Mhic Pháidín.

Cuireadh Roibeard Ó Stiobhart i mBaile Maonaigh seachtain ó shin.

Ní rabhtar ag súil le na bhás go haithrid mar nach raibh ann ach fear ógánta. B' as Dún Feannachaidh ó dhúchas dó, ach bhí sé ina chónaí i mBaile Maonaigh le seal bliantach. Tá beirt deirfiúr do i nGaoth Dobhair, Bean Uí Alcorn agus Bean Uí Bhaoid ar an Bhun Bheag.

Gnimid comhbhrón leo féin agus leis na gaolta eile.

Cúis mhór bróin b' ea bás Bríd Ní Fhearraigh as Bun an Inbhir. Cuireadh i Reilig Bhun an Leaca í Dé Máirt 29 Bealtaine. Bhí sí 58 bliain d'aois. Déantar comhbhrón lena nionacha Gráinne, Nóra agus a mac Seán agus a gaolta go léir.

ANAGAIRE

I ndiaidh do Shéamus Mac Ruairí gearán foirmiúil a dhéanamh ar son Comhairle Paróiste Anagaire, cuireadh fógra bóthair in airde ag corradh dainsearach ar an bhóthair ó Loch na nDeorán go dtí Rann na Feirste.

AN nDRUIDFEAR SCOIL

GHLEANN BHARR?

Tá pobal beag Gaeltachta i gleann sléibhe trí mhíle soir ón Cheathrú Caol i leithinis Fhánaide. Baile Láir seacht mhíle ó Thuaidh uatha an áit is comhgairí dóibh a bhfuil Gaeilgeoirí eile ina gcónaí.

Teach Pobail, scoil, oifig poist, siopa nó dhó, sin a bhfuil de shráid bhaile i nGleann Bharr. Sa tSamhradh bíonn Coláiste Gaeilge san áit agus tig 150 daltaí ó na Sé Chontae ar na cúrsaí seo.

Ag éirí lag atá an pobal seo mar níl obair fhiúntach ar fáil don aos óg. Teaghlach amháin a tháinig abhaile ó Albain bliain ó shin, b' éigin dóibh imeacht arís nuair

nár éirigh leis an fhear post a fháil.

Mar thoradh ar seo uilig tá uimhreacha na bpáistí ar an scoil áitiúil "Scoil Uí Ghallchóir" ag dul síos ó bhliain go bliain. Níl ar an scoil anois ach 36 daltaí agus de réir na dteoiricí oideachais atá i reim ní scoil folláin í agus ba

cheart í dhruid. Ní chuireann na teoiricí sin beatha pobail sa chuntas; má dhruidtear an scoil cuirfear páistí an Ghleanna amach ar bhús achan lá go dtí scoil eile áit a mbeidh siad ina míonlach ó thaobh teangan de-an rud ceanna is a tharla do pháistí Rann na Feirste le linn dóibh bheith "an deoraíocht" Ní ó thaobh teangan amháin a bheadh seo diobhalach; bheadh glór na bpáistí imithe ó chlos na scoile sa Ghleann féin, rud a chuirfeadh uaigneas ar na daoine fásta.

Comhartha maith é go bhfuil an pobal ag iarraidh an scoil a choinneal foscailte. Tíocfaidh saol níos fearr don Ghleann le cuidiú Dé, de thairbhe an-iarrachtaí féin nó de thairbhe na forbairte i Leitir Ceanainn (12 míle ar shúil)

agus rachaidh uimhir na bpáistí suas-ach an scoil a choinneal foscailte idir an dá linn.

Rath Dé ar chosainteoirí an Ghleanna.

CROS CHOLM CILLE

AGUS TEAMPAL RAITHE

Faoi thioncur na doinneana agus na síne leis na céadta bliain, seasann ballógaí dubha sean-teampaill i reilig scaite, uaigneach tuairim's ar míle go leith taobh amuigh de'n Fhál Carrach i mBaile fearrain Raithe. Tá an fhoirgneamh seo ag eisteacht le síor-bhriseadh tonnta an Aigeain Atlantaigh agus monabhar Abhainn an Raithe tá ag Iubarnaigh go mall-triala; h lena thaobh, faoi shúile chuimheadach sleibhte Thír Chonaill fá na sleasa gormcheocha, le fada an lá. Ina lui ar shlat a dhroma, briste, creapalta le taobh an teampaill tá Cros bheannaithe Cholm Cille, leath i bhfolach ag cúlfaithe agus feir.

Is suimiúil an scéal a hinistear fá mar a fágadh an chros ansin. Deirtear go raibh Colm Cille ag amharc i ndiaidh gnoithe Eaglasta i n-Oileán Thoraigh agus gur theastaigh cros cloiche uaidh. Tháinig sé chun an tír mór ar lorg cros agus shocraigh sé ceann a ghearradh as creagach na Muchaise. Bhí cupla manach eile ag cuidiú leis an dian-obair a dhéanamh agus nuair a bhí siad reidh bhí acu an chros oll-mhór a iomparchun an chladaigh le tabhairt go Toraigh. Ar an bhealach chun na céidhe dóibh stad siad ag Eaglais Naomh Fionnán chun scíste a dhéanamh. Thug Colm Cille fé deara ansin gur fhág sé a phortas (leabhar urnaithe) ina dhiaidh agus chuir sé duine de na manaí fá na choinne. Gheall sé go dtabharfadh sé achaine don mhanach nuair a philleadh sé. Nuair a shroich an teachtaire an áit a raibh siad ag obair chonaic sé éan dubh ag éirí in airde san aer. Gidh go raibh sé ag baistí san am fuar sé an leabhar agus gan deor fearthana air. Ar

athphilleadh dó chun a chairde d'iarr sé a achaine ar Cholm Cille agus ba an rud a d'iarr sé nó bhfuighfidh an Chros san áit a raibh siad. Rinneadh amhlaigh.

Cuireadh an chros troigh agus fiche ar fhad agus seacht droigh ar leithead ina sheasamh taobh na hEaglaise. Sheas sé ansin gur leagadh é oíche gaoithe moire tuairim's dhá chead bliain ó shin.

Mhair ard-chliú agus glóir an teampaill féin go dtí aimsear na bpéindlithe. Ansin nuair a bhí géar-leanúint á dhéanamh ar Chaitlicí rinne na Saighdiúirí Dearga ruathar go so-mhothaithe maidin Domhnaigh amháin nuair a bhí an tAifreann a léamh. Marbhadh gach mac máthair nach raibh an tadh ar an bhealach ealaigh a fháil. H-Adhlacadh na coirp go léir in uaigh mhór amháin tuaram dhá

chhead slat ón teampall, áit a dtugtar "Log na gCnamh." Chreach an namhaid an séipéal agus dhóigh siad go talamh é. Blianta ina dhiaidh sin tógadh Teampall Ghallda ar an láthair, agus 'siad sin na ballóga atá le feiceál go dtí an lá inniu.

Ceathrú míle ón teampall tá "Log na hAltóra" le feiceál. B' shin an áit a ndéirtear an tAifreann i ngan fhios in am na géar-leanúna tar éis scriosadh an tséipéal.

Is suimiúil an cúlra stairiúil atá ag an cheanntar seo, cosúil le cuid mhór eile ceantair agus, dar liom, gur mhór an trua nach bhfuil fios níos leithide fá thaobh dóibh. Bheadh sé ina chúis athais dom dá mheasfainn gur chuidigh an píosa seo le suile corr-dhuine a dhíriu ar Stair a gceanntar féin.

"AN STAIRÁÍ"

Gasúir Ghabhla

Bhí smúid ar Phatrick agus ar Johnnie an lá seo. Bhí ábhar sin acu nó bhí laethe saoire an tSamhraidh thart agus an scoil ag athoscailt lá tharna mhárach. Bhí'n maistir goirgeach a's slat fhada aige a chuirfeadh greadfach fianta 'sna bosa. B' as tír mór an maistir a's bhí sé ar loistín i dtí Johnnie.

"Tá fhios agamsa cá bhfuil eochair na scoile," arsa Johnnie. "Cá bhfuil sí," arsa Patrick. "Ar an dríosúir," arsa Johnnie. "Goifidh muid an tslat," arsa Patrick.

"Sin é an rud a raibh mé ag smaointiú air," arsa Johnnie. An trathnóna sin fuair Johnnie an eochair nuair a bhí an teach fá réir agus as go brách leis an bheirt go teach na scoile. Bhí'n scoil scaite ó na tithe agus b' fhurast dul ann i ghan fhios. Deacair go leor a bhí sé an doras a foscailt. Bhí an eochair mór, na gasúir beag agus lag ach bhí sracadh milteanach iontu. Le cuidiú bata sáite isteach i gcluas na heochrach d'eirigh leo. Bhí an bata ar an tábla ach ní raibh i bhfad. I bhfaiteadh na súl bhí na gasúir amuigh agus an bata leo, nó ní áit ró-fholláin teach na scoile.

Druideadh an doras, sáitheadh giota de bhodóg i bpoll na heochrach, caitheadh an tslat amach sa lán-mara agus sod an péire ag cromad- aigh siar a chois an chladaigh ag tarraingt ar an dumhaigh an áit a raibh an teallach a bhuachailleacht acu.

Ní dheachaidh siad i bhfad gur chuala siad an scairt. "Inseoidh mise do'n mhaistir oraibh é," arsa an glór. Baineadh stangadh as na gasúir. D'amharc siad thart. Cé bhí ann ach Seimidh as Cnoc a' Chait agus bhí fhios aige deireadh. Ní ligfeadh an eagla do na gasúir dul ina dhiaidh agus ar scor ar bith bhí siad ró-mhall le breith air.

Chuir seo gruaim agus beag uchtach ar na gasúir agus bhí ábhar maith acu. Trathnóna lá tharna mhárach bhí an scéal fríd an bhaile. Chuala na máithreacha é, agus fuair an dá ghaiscíoch griosáil a d'fhág greadfach sa tóin agus ins na bosa acu fada go leor.

An tOileánach a scríobh

Bhí tuairim ar 500 duine i láthair ag Óstan Radharc an Eargail 'sna Doirí Beaga ar na mallaibh nuair a bhronn muintir Anagaire Deasc scríobhneorachta agus vallait nótaí airgid ar an Athair Eoghan Ó Fríghill Chaith an tAthair Ó Fríghill roinnt bliain in Anagaire, agus ba mhian le muintir Anagaire a nóms a chur i niúl mar gheall ar an suim a bhí aige in achan ghné de obair na Paróiste.

Ba iad Áine Ní Bhaoill, D.Sc., Mullach Dubh, An Bhanaltra Christine Ní Ghallchóir Anagaire, agus Breandán Ó Raghallaigh, Rann na Feirste a rinn an bronnadh.




Cloch Mhór Léim an tSionnaigh

Linn Gairdín

Tá na linnte gáirdín ag éirí coiteanta le roinnt bliain anuas. Seo leanas roinnt smaointiú.

Linn Piopáin. Tá an linn seo 3 troith trasna agus 18 orlach ar doimhneacht. Tá an piopán curtha síos rud beag faoi leithbhéal an talamh agus lín-eáilte le concreíd ag bun. Má cuirtear carraigeacha ar plandaí uisce thart ar an imeall cuireann sé cuma níos nádúrtha air.

Tá piopáin mar seo le fáil ó tógáilthe. Is féidir sean iomar a úsáid ar an dóigh ceanna, ach caithfear a bheith cinnte ar ndóighe nach bhfuil contúirt ar bith ann do pháistí beaga.



Tá snaithín gloine min a úsáid ins an linn seo atá 5 troith, 6 hórleigh ar fhad. Is féidir iad a fháil cruinn, cearnógach nó dronuilleach. Coinnigh an linn líonta le huisce san Gheimhreadh - is féidir leis an siocán damaste a dhéanamh dó má bhíonn sé folamh.

Linn reidh-dhéanta.

Tá an cinéal seo linn gairdín le fáil ó na siopaí garraíochta agus is féidir iasc a choineáil ann. Tá sé déanta as snaithín gloine, ní le déanamh agat ach an poll a thochailt.



Bocsa na Litreach

FÉINRIALÚ

Tá an cheart ar fad ag Deasún Fennell. Má tá an Ghaeltacht le mairstin caithfidh sí smacht a fháil ar a saol féin agus gan mhoill.

Ní raibh rún ar bith ag an Rialtas deireannach féin-rialú Gaeltachta a bhunú. Níl an Rialtas úr fá choinne sin a dhéanamh ach oiread - nach bhfuil sin soiléir don fhear is daille amuigh anois. Is furast scoil Náisiúnta atá ann cheana féin a athfhoscailt, ní chosnaíonn sé mórán, agus is furast cupla míle punt a caitheamh ag na mná-tí sa Ghaeltacht. Ach an beart mór, smacht a thabhairt don Ghaeltacht ar a saol féin, sin scéal eile. Airgead mór a bheadh i gceist ansin, airgead a thiocthadh

a chaitheamh i mBaile Átha Cliath nó i nDún Dealgan mar atá léar mór bhótaí le fáil a thairbhe. Agus caidé mar thiocthadh ligint do Phobal na Gaeltachta a ngnoithe féin a stiúru, bheadh sé chomh maith agat féin-rialú a bhronnadh ar Aborigines na hAstraille; sin an dearcadh atá ag Rialtas Bhaile Átha Cliath.

Tá eirim intinne chomh maith ag fear na Gaeltachta is atá ag duine ar bith sa tír, tá cumas eagraíochta ann. Ach go dtí seo, lig sé do fhear an Bhéarla a shaol a rialú.

Má tá féinrialú a dhiobhail orainn, agus tá, beidh orainn féin é bhaint amach.

An Dubh Duuibseach.

Cúrsaí sa Choláiste Reigiúnach Leitir Ceanainn

TÁ LIOSTA Á DHÉANAMH DE DHALTAÍ AS AN GHAELTACHT AR MIAN LEO FREASTAL AR AN CHOLÁISTE THUASLUAITE AGUS A GCUID CÚRSAÍ A DHÉANAMH FRÍD GHAELIGE. MÁ TÁ SUIM AGAT SA SCÉAL CUIR SCÉALA GO GASTA CHUIG:

Bocsa-Uimhir 143 "Gaeltacht"

Coiste Ghaeltacht Thír Chonail

Bhí cruinniú den choiste in Óstán Radharc an Earagail, Gaoth Dobhair Dé Domhnaigh an 13ú Bealtaine. Bhí scaifte maith i láthair.

Leigh an Rúnaí Éamonn Mac Aoidh na mion-tuairiscí, agus freagraí ar litreacha a chur sé chuig an Roinn Oideachais, Aire na Gaeltachta, Bord Soláthar an Leictreachais, srl.

Tugadh cuntas ar an chruinniú a bhí ag toscairí ón choiste leis an tUasal Ó Domhnaill nuair a bhí sé i nGort a' Choirce roimh an Cháisc.

Tugadh eisteacht mhaith dóibh agus mhol an tAire go rachadh siad go Baile Átha Cliath le na gcás a chuir os comhair Airí ón Roinn Cumhachta agus Iompair, agus Roinn Rialtas Áitiúil agus go ndéanfadh seisean gach socrú maidir le ionad agus dáta a shocrú.

Beidh an chéad chruinniú eile ar an dara Domhnach de Mhí Mheithimh.



Caitlín Ní Bhaoill, Iníon Bríd agus Brian Ó Baoill as Doirebeaga.

Cuairt ar Aberdeen

Bhain muid Aberdeen amach i dtrátha 5.30 i.n. i ndiaidh dul fríd a lán bailte idir mór agus beag, ceann acu Montrose. Bhí sé ag cur an chuid is mó den am. Bhain muid triall as cupla áit feiceáil an raibh carabhán le fáil mar bhí an aimsear go hiontach olc agus nior bhféidir linn campáil amuigh an tráthnóna sin. Nior éirigh linn ceann a fháil go dtí gur shroich muid clos carabh-áin Marywell, cupla míle taobh ó dheas de Aberdeen. £2 a bhí an charabhán mór don oíche.

Chuaigh cuid den chomhlúadar isteach go dtí an chathair i ndiaidh an tae agus sa phiocturlann Capitol. Chonaic muid scannán maith de chuid Walt Disney. Scéal fá bhan-draoi a bhí ina cónaí i Sasain le linn cogaidh 1939-45 (mar dheas) agus fán dóigh ar chuir sí an ruaig ar na Gearmainigh a bhí ag ionsaí na tíre sin. Nuair a bhí an scannán thart bhí an baisteach thart agus an spéir glan arís. Cé go raibh sé beagnach 11 i.n., bhí an lá geal ann go fóill ach ar ndóighe tá Aberdeen giota maith ó Thuaidh agus bíonn lá níos faide ann ná mar a bhíonn i nÉirinn an tam seo de bhliain.

Rinn muid iarracht Radio Éireann a fháil maidin ach theip orainn. Cé go raibh sé le fáil go láidir cupla lá roimhe sin in aice le Stranraer. Bhí trí cinn de stáisiúin an B.B.C. le fáil go láidir, áfach, agus cuid mhór le rá acu faoi Éirinn. Bhí bean i gcarabhán taobh linn agus ba as Creamhghort i dTír Chonaill í. D'fhág sí an áit sin go hóg agus chaith sí triocho bliain i mBéal Feirste roimh teacht go hAlbain lena fear céile. Bhíodh airsean dul amach chun a chuid oibre ag 5.30 a.m. achan mhaidin.

Maidin bhreá a bhí ann agus muid ag teacht isteach go cathair Aberdeen agus d'éirigh sé te le linn dúinn bheith ag fáil eolais ar lár an bhaile. Ba é seo an áit is mó a raibh foirgintí tógtha de

Sa tSamhradh s' chuaigh thart chaith teaghlach as Tír Chonaill saoire in Albain. Seo leanas cuntas ar a gcuairt go cathair Aberdeen.

chloch eibhir agus chuir na crainn agus na bláthanna agus na plásóga féir a bhí timpeall go mór leo. Tá dealbh iontach mór de William Wallace, laoch Albanach san tsean-am, giota on phriomhsráid. Sár-obair dealbhadóireachta atá ann agus dar leat go spreagfadh sé fir óga na haoise seo. Ag leanas an scríbhinn seo leanas ar bhun an leachta, chuimhnigh mé go raibh monarc Shasana ar thalamh na hAlbain an lá ceanna agus fáilte roimpi. Seo an rud a dúirt Wallace leis na daoine a ghabh é agus a bhí ar ti é a chur chun báis de bharr "cheannairce" agus "tréas" "Ní thig liomsa bheith ciontach as tréas in éadan rí Shasana mar ní dílseacht ar bith agam ag dul dó agus fad' s



tá deor amháin fola fágtha i mo chorp ní gheillfidh mé an dílseacht sin dó."

Siopa amháin ina raibh muid bhí siad amhrasach faoi airgead Éireannach agus b'éigin dóibh an nóta (ceann de chuid Bhainc Uladh) a chur anonn go dtí banc le deimhniú go raibh sé ionaistrithe. Bhí..

Foirgneamh an-nua-aimsearach a bhí in Aberdeen Northern Co-Op. Ollstór, agus tógadh pictiúirí de seo. Sheas an aimsear fhad' s a bhí muid ag fágáil Aberdeen ar an bhealach ó Thuaidh i dtreo Inverness, bhí na bóithre go sármaith ar an bhealach ar fad. Idir na bailte bhí talamh mhaith feirmeorachta, páirceanna agus goirt ollmhóra a raibh féar agus préataí ag fás iontu. Ba léir nach le feirmeoirí beaga an talamh seo. Is ar éigin go raibh teach ar bith le feiceáil idir na bailte. Bhí cnoic measara ard anseo a's ansiúd ach ní raibh muid 'sna garbhchríocha go fóill na baol air.

I ndiaidh dul fríd baile Nairn chas muid i dtreo na farraige agus nior stad muid gur shroich áit a raibh go leor spáis do champáil ach bhí sé taobh le campa airm de chuid na Breataine ar a dtugtar Fort George. Bhog muid cupla míle siar ón dún sin agus d'aim-sigh sáráit champála cois coille agus radharc againn ar Inbhir Moray agus ar an Oileán Dubh. Nior chuir duine ar bith isteach orainn agus chaith muid oíche shuaimhneach ansin ar imeall an Aigeain Thuaidh.

Cór-Fhéile na Gaeltachta

D'oscail an Canónach Seán Mac Eiteagáin S.P., Cór-Fhéile Ghaoth Dobhair san Amharclann Dé hAoine 18 Bealtaine.

Bhí breis agus 400 páiste scoile ó thrí scoil dhéag ar an ardán i rith an lae ag cur ceoil, drámaíocht, damhsa agus seanchas i láthair na ndaoine.

Bhí dhá ionadaí ón Roinn Oideachais i láthair ag an oscailt oifigiúil, siad sin an tUasal Mac Domhnaill, Cigire Ceantair agus an tUasal Ó hEidhin, Cigire ceoil. Mhol an bheirt acu na scoltacha uilig a ghlac páirt san Chór-Fhéile agus dúirt siad go raibh an Roinn

Oideachais go mór i leith féilte de'n chinéal seo.

Cé nach raibh moltóireacht ar bith ann, bhí gach duine den bharúil go raibh caighdean na bliana seo i bhfad níos airde nó mar a bhí sé anuraidh.

Ag deireadh thug Cathaoirleach Choiste na Féile buíochas dó gach duine a chuidigh lá chomh mór a chur ar fáil san Amharclann. Orthu seo bhí na páistí a ghlac páirt, na múinteoirí agus na tuismitheoirí. Thug sé buíochas ar leith do Eibhlín Bean Arnold O.S., Rúnaí an Choiste le dhá bhliain anuas mar gur uirthi sé a thit furmhór na hoibre.

Bullanaí Fir Muintir G.T.

Tigeann an ghaoth agus an bhaisteach agus an ghrian; Tig-eann an Fomhair 's an tEarrach agus an Samhradh; agus mair-eann muintir Thír Chonaill leo, ag déanamh dul chun cinn de réir a chéile. Céim ar aghaidh anois, ceim eile arís. Is mar sin a thóg Cairpéidí G.T. Teo., ceim eile chun tosaigh le goirid de bharr athruithe i ngrúpa Bond Worth. Agus nuair a meabhraigh-tear air ní féidir ach a dhéanamh amach go bhfuil meas ar chumas na foirne atá istigh i G.T. Bullanaí fir muintir G.T.

Fógraíodh le goirid go rabhtas ag athrú déanamh eagraíochta Bond Worth Idirnáisiúnta agus amach as seo go mbeadh eagraíocht Bond Worth i nÉirinn níos mó freagarthach as cúram a ngnoithe i nÉirinn. Tá stiúrthóir bainistíochta i nÉirinn an tUasal B. Ó hEigeartaigh tar eis a cheapadh mar bhall de choiste bainistíochta na hEagraíochta Idirnáisiúnta. Tá Cairpéidí G.T. ina chomh-chomhlucht idir Gaeltarra agus an grúpa Bond Worth agus ag dul leis na hathruithe luaite, tá athruithe déanta maidir le G.T. fosta. Tá stiúrthóir bainistíochta úr ceaptha ar G.T. - an tUasal C. Denver. Tá taithí mhór ag an Uasal Denver ar chúrsaí margaíochta agus feic-tear go bhfuil dul chun cinn chomh mór sin i gcumas tairgeachta déanta ag G.T. go bhfuil rithábacht anois le breathnú níos mó ar chúrsaí margaíochta. Níl dabht ach go mbeidh G.T. ag comhoibriú go dluth go fóill leis an chuid eile den ghrúpa, go háithrid Rivington Carpets - is de bharr an dluth-cheangail a bhí eatorra le cupla bliain anuas a raibh G.T. i ndán méadú ar a gcuid tairgeachta - ach amach as seo beidh ortha oibriú níos mó as a stuaim féin. Is cosúil nach ndéanfaí athraithe dá leitheid muna mbeidh muinín ag lucht an ghrúpa i bhfuireann G.T. Bullanaí fir muintir G.T.

CUIMHNEACHAN GAOTH DOBHAIR AGUS CLOICH CHEANNFHAOLA.

Buanchuimhne ar Shile Ni Dhubhgain fuair bas; i mBaile Atha Cliath ocht mbliana sa tam seo. Aifrinn a nOfrail.

Radió na Gaeltachta

DE SATHAIRN, 9u MEITHEAMH
7.00 Nuacht agus Aimsir. 7.06 Spóirt. 7.30 Seisiun. 8.00 Cinn linte agus Nuacht Aitiuil. 8.03 Tuirisc Pearsanta. 8.30 A Ghloria a Chara. 9.00 Nuacht agus Aimsir. 9.15 Deireadh Craolta.

DE DOMHNAIGH 10u MEITHEAMH
7.00 Nuacht agus Aimsir. 7.06 Sean Ban Breatnach. 8.00 Cinn linte agus Nuacht Aitiuil. 8.03 Deir se Anseo. 8.07 Learnheas 8.30 Spóirt an Domhnaigh. 9.00 Nuacht agus Aimsir. 9.15 Deireadh Craolta.

DE LUAIN 11u MEITHEAMH
7.00 Nuacht agus Aimsir. 7.06 Sibhse a Phaisti. 7.30 Iris an Luain. 8.00 Cinn linte agus Nuacht Aitiuil. 8.03 Iris an Luain cuid a do. 8.30 Luach do Shaothair. 9.00 Nuacht agus Aimsir. 9.15 Deireadh Craolta.

DE MAIRT 12u MEITHEAMH
7.00 Nuacht agus Aimsir. 7.06 Togha agus Rogha. 8.00 Cinn linte agus Nuacht Aitiuil. 8.03 Cre na Cille. 8.30 Lan a Mhala. 9.00 Nuacht agus Aimsir. 9.15 Deireadh Craolta.

DE CEADAOINE 13u MEITHEAMH
7.00 Nuacht agus Aimsir. 7.06 Seal Le Cabaret Chill Chartaigh. 7.30 Iris na Ceadaoine. 8.00 Cinn linte agus Nuacht Aitiuil. 8.03 Iris na Ceadaoine cuid a do. 8.30 Lan Mala on Tuaisceart. 9.00 Nuacht agus Aimsir. 9.15 Deireadh Craolta.

DIARDAIN 14u MEITHEAMH
7.00 Nuacht agus Aimsir. 7.06 Dibhse a Mhna. 7.30 Si do Mhamo i. 8.00 Cinn linte agus Nuacht Aitiuil. 8.03 An tSeachtain Seo. 8.30 Sa mBruiseal. 8.40 Rogha Gene Martin. 9.00 Nuacht agus Aimsir. 9.15 Deireadh Craolta.

DE hAOINE 15u MEITHEAMH
7.00 Nuacht agus Aimsir. 7.06 Sibhse a Phaisti. 7.30 Iris na hAoine. 8.00 Cinn linte na Nuachta. 8.03 Iris na hAoine cuid a do. 8.30 San Oireachtas an tSeachtain Seo. 8.45 Lucht Leabhar agus Leinn. 9.00 Nuacht agus Aimsir. 9.15. Deireadh Craolta.



William Wallace
Laoch mór na hAlban.

Cúrsaí Spóirt



Bua mór eile ag

Coláiste an Fhál Carraigh

COLÁISTE NA CROISE NAOFA 7
COLÁISTE ADHAMHNÁIN 4

Tá daoine ann nach dtuigfeadh cad chuige a mbeadh tuairisc ar chluiche sacair a d'imir Coláiste as an Fhál Carrach ar "Gaelacht." Nach mór an gar go bhfuair Séamas Mac Gabhann as an Ardaí Bheag ceithre chúl do Choláiste na Croise Naofa!

Tá dhá chomórtas sacair d'fhoirne sinsir choláisti an chontae--an sraith agus an cupa. Bhain Coláiste Adhamhnáin an sraith. B' sheo aithimirt de chluiche ceannais an chupa. Imríodh é i Leitir Ceanainn ar an ceathrú lá is fiche de mhí na Bealtaine. Ar a mbealach go dtí an cluiche ceannais bhuaigh Coláiste Adhamhnáin ar an Choláiste Reigiúnach agus ar Bhaile na nGallóglach. Bhuaigh Coláiste na Croise Naofa ar na Gleanntaí agus ar Bhaile Dhún na nGall. Chríochnaigh an chéad chluiche ceannais ar chomh-scór 2-2. Trathnóna brothallach tirim a bhí ann don aithimirt agus toirneach san aer. Sheasaigh lucht tacaíochta an dá choláiste os coinne a chéile ar dhá thaobh na páirce agus chanadar is scairt-eadar go scléipeach spórtúil i rith an chluiche gur thit ciúnas na díomá ar bhunadh Leitir Ceanainn. Bhí naonur den fhoireann a bhain corn Dalton (C.L.G.) ag imirt don Fhál Carrach, ina measc cúigear a d'imir do mhionúr an chontae ag Coláiste Adhamhnáin fosta.

Bhí an chéad leath breá cothrom. Bhí cuid tosaíthe Leitir Ceanainn ag tabhairt cuid mhór trioblóide do chuid cúlaithe an Fhál Carraigh agus achab iad Breandán Mac an tSaoir, an cúlbaire, agus Eoghan Ó Searcaigh bheadh Coláiste Adhamhnáin cupla cúl chun tosaigh. B' iad cuid eachtaí Mhac an tSaoir príomh-ábhar cainte an leatha. Ba dhobair go bhfuair Ó Dufaigh cúl don Fhál Carrach. Ní raibh fágtha den chéad leath ach dhá bhomaite nuair a fuair Leitir Ceanainn cúl. Rinne Mac Conaglaigh calaois agus bhuaill Antoin Ó hEarcáin an saorchic ó 35 slat. Phreab an liathróid sa chearnóg agus cé go bhfuair Mac an tSaoir a lámh fhad léi theip air a ceapadh.

Thosaigh Coláiste na Croise Naofa ar an dara leath mar a bheadh meitheal ann a bhí ag iarraidh dhá obair sleáin a bhaint idir am lóin is am mioltóg. I gceann tri bhomaite bhí greim acu ar Choláiste Adhamhnáin. Cicamach ó Mhac an tSaoir chuig Ó Colla, chuir seisean trasna é chuig Mac Gabhann a chuir san eangach é ó ocht slat déag. Trí

bhomaite ina dhiaidh sin fuair an Fál Carrach coirnéal. Bhuail Mac Giolla Chearra é agus bhí Ó Searcaigh ar an líne lena shá isteach. I ndiaidh deich bhomaite rinne Ó Mortáin, a tháinig ar an pháirc ionadaí, 3-1 de nuair a tharraing sé ar scoith pas ó Ó Muirí. I ndiaidh ceathrú uaire stop Ó Donail as Seascann na Rón an liathróid lena lámh sa chearnóg agus fuair Ó Cléirigh cúl on chic pionois--3-2. Ach laithreach bonn chuaigh an Fál Carrach ar an ionsaí. Chuir Ó Daimhin an liathróid trasna an chúil agus bhí ceann Mhic Gabhann ansin lena cur sa líon. Ní raibh fágtha ach ceathrú uaire nuair a cheap Mac an tSaoir scoith aimsithe ó Ó hAirt ach theip air greim a choinneail ar an liathróid agus cuireadh isteach í. Ach arís d' imigh Coláiste na Croise Naofa le fuadar sios an pháirc agus fuair Mac Gabhann cúl ar doigh. 5-3 anois. Bhí cuibhreacha na heagla scaoilte de Choláiste na Croise Naofa anois agus thug siad taispeantas breá de pheil shaoraideach. Fuair Ó Mortáin agus Mac Gabhann cúl. Ní raibh i bhfad le dhul nuair a fuair Ó Maille cúl do Leitir Ceanainn.

B' iad Aodh de Blaca agus Séamas Ó Cléirigh na cúlaithe a b' fhearr a bhí ag Coláiste Adhamhnáin. An pheileadóir is ea a bhfeair lár páirce, Labhras de Blaca. Fuair sé cuidiú maith ó Bhreandán Mac Doinnléibhe. Ba é Pádraig Ó hAirt an tosaí a b' fhearr. Bhí Breandán Mac an tSaoir ina chúlbaire an-mhaith don Fhál

Carrach. Ba é Eoghan Ó Searcaigh a b' fhearr den cheathrar cúl -- leoga, ba é a b' fhearr ar an ghort. Bhí Dónall Ó Daimhin iontach ciúin - b' eisean a b' fhearr sa chéad chluiche. Rinne Seán Ó Dónaill agus Éamonn Mac Conaglaigh rudaí cliste anois is arís. Rinne an triúr i lár páirce - Ó Muirí, Mac Giolla Chearra agus Ó Cailín - cuid mhór oibre agus reachtála agus fuair siad an bua ar mhuintir Leitir Ceanainn sa dara leath. Bhí Cathal Ó Colla agus Daithí Ó Mortáin (a tháinig isteach in áit Uí Dhufaigh sa dara leath) iontach contuirteach ach ba é Séamas Mac Gabhann a rinne an damaiste.

Ba é an príomh-dhifear idir na fóirne ná go raibh Coláiste na Croise Naofa i bhfad níos fittáilte (b' fheidir go gcuirfeadh An tOileánach nó Peigí Rose Gaeilge ar an fhocal sin.) Tá siad ag traenáil go crua ó bhí an Nollaig ann, an chéad uair don Dalton agus ansin do Chorn seo Mhac Giolla Bhríde, rud a ba léir sa dara leath nuair a bhí muintir Leitir Ceanainn ag tarraingt na gcos ina ndiaidh is muintir an Fhál Carraigh ag rith mar bheadh uain Earraigh ann.

Bhronn Colm Mac Giolla Bhríde a chorn féin ar Mhícheál Mac Giolla Chearra. Coláiste na Croise Naofa:- B. Mac an tSaoir (Fánaid) S. Ó Dónaill (Na Rosa) E. Ó Searcaigh (Na Rosa) E. Mac Conaglaigh (Fánaid) D. Ó Daimhin (Dún Fionnachaidh) S. Ó Muirí (Bun Dobhráin) M. Mac Giolla Chearra

(Cill Charthaigh) D. Ó Cailín
(Na Cealla Beaga) S. Mac Gabhann
(Na hArdaí Beaga) S. Ó Dufaigh
(Dún Fionnachaidh) C. Ó Colla
(Na hArdaí Beaga)
Ionadaithe; D. Ó Mortáin, E. Mac Meanman.
Traenalaí; An tAth. Mícheál Mac Suibhne.
Coláiste Adhamhnáin:-
R. Mac Ruairí (Leitir Ceanainn)
S. Ó Cléirigh (L.C.) A. de Bláca (L.C.) S. Ó Gallchóir (Rath Maoláin)
S. Ó Gliasáin (L.C.) L. de Bláca (L.C.) B. Mac Doinnléibhe (Bealach Feich) A. Ó hEarcáin (Ard an Ratha)
D. Ó Maille (Conmhaigh) P. Ó hAirt (Rath Bhoth) P. Ó Comascaigh (L.C.)
Ionadaithe; S. Ó Daimhin, C. Mac Uistin.
Traenalaí; S. Mac an tSaoir.
An Reiteoir;- B. Mac Daibheid.

Comórtaisí na Gaeltachta

Ag an deireadh seachtaine chuaigh thar leathchéad ó Ghaoth Dobhair go dtí an Cheathrú Rua le haghaidh Comórtaisí na Gaeltachta a bhí ar siúl ansin ón Sathairn go dtí an Luain. Bhí foireann peile Ghaoth Dobhair ag glacadh páirt i gcomórtaisí peile na Gaeltachta ina raibh fóirne ó Ghaeltachtaí uile na hÉireann -- Corcaigh, Ciarraigh, Port Lairge, Midhe, Muigheó, Gaillimh agus Tír Chonaill.

Siad Gaoth Dobhair a bhain comórtas peile na Gaeltachta i dtír Chonaill agus mar sin siad a bhí ag imirt ar son an Chontae i nGaillimh ag an deireadh seachtaine. Bhí siad uilig ag súil le Corn Delap a bhaint. Bhronn an lústas Delap ó Ghaoth Dobhair an Corn seo tá cúig bliana ó shin.

Ghlac Aibhe Nic Grianna as Croichlí agus Máire Ní Ghallchóir as an Chlochán Liath atá ag obair in Óstán Ghaoth Dobhair, páirt sa chomórtas Cailín Gaelach a bhí ar siúl trathnóna Dé Domhnaigh.

Ins an Comórtas Cabaret, siad muintir Cill Chartha a bhí ag glacadh páirt ar son an Chontae.

Coiste Féile Iascaireachta Ghaoth Dobhair

